

四庫全書

子部

欽定四庫全書

子部
普濟方卷二十四

詳校官太醫院吏目_臣朱桂

編修_臣倉聖脈覆勘

總校官原任中允_臣王燕緒

校對官中書_臣鮑之鍾

謄錄監生_臣莫與儔

欽定四庫全書卷

普濟方卷二十四

明

周王朱橚撰

脾臟門

脾胃冷熱不和附論

夫體弱之人穀氣不足脾胃既虛冷熱之氣易為傷動
蓋脾胃倉廩之官布化津氣灌養四旁其氣虛弱則食
飲或冷或熱多致不消使陰陽交爭冷熱相搏故令脾
胃不和也

方

沉香阿魏丸

治脾胃冷熱氣不和食毒脾胃中宿積

沉香

木香

各三分

芎藭

當歸

剉焙

蓬莪朮

炮

陳橘皮

去白焙

延胡索

檳榔

剉

吳茱萸

醋浸一宿炒

益智仁

桂

去粗皮

白朮

附子

炮製去皮臍

乾薑

炮

草豆蔻

去皮各半兩

阿魏

一兩半瓷器中醋浸一宿絹濾去砂入麴煑糊

右搗羅十五味為細末用阿魏糊攪和杵二三百下

丸如梧桐子大丹砂為衣生薑橘皮湯下五七丸血

氣溫酒醋湯下

前胡湯 治脾胃冷熱氣不和平胃

前胡

去蘆頭

人參

白茯苓

去黑皮

附子

炮製去皮臍

白朮

半夏

薑汁浸一宿并生薑拌令勻焙乾

枇杷葉

毛擦去

厚朴

去粗皮生薑汁塗炒透

訶梨勒

紙裹煨熟去核各一兩半

肉苳菴

去殼

檳榔

剉

陳橘皮

湯去白焙

乾薑

炮

甘草

炙各三分

右剉如麻豆大每服三錢水一盞入生薑一棗大切

棗二枚擘破同煎至七分去渣不拘時稍熱服忌生

冷油膩飴糖

白豆蔻丸

出聖惠方

治脾胃冷熱氣不和心腹疔痛嘔逆

不欲飲食四肢少力

白豆蔻

三分去皮

黃耆

半兩剉

赤茯苓

半兩

乾薑

半兩炮裂剉

桂心

半兩

白朮

半兩

當歸

半兩剉微炒

半夏

半兩湯浸七遍去滑

人參

三分去蘆頭

附子

半兩炮裂去皮臍

陳橘皮

半兩湯浸去白焙乾

甘草

半兩炙微赤剉

右件藥搗羅為末煮棗肉和搗三二百杵丸如梧桐

子大每服不計時候以生薑湯下二十九忌生冷油

臙糖

白朮散

出聖惠方

治脾胃冷熱氣不和腹脇脹悶少思飲食

食

白朮

一兩

草豆蔻

一兩去皮

檳榔

一兩

甘草

半兩炙微赤剉

桂心

三分

桔梗

一兩去蘆頭

人參

一兩去蘆

前胡

三分去蘆頭

赤茯苓

三分

枳實

半兩麩炒微黃

訶梨勒

一兩煨用皮

右件藥搗篩為散末煉蜜和搗三百杵丸如梧桐子

大不計時候以薑棗湯下二十丸

人參湯

聖惠方

治脾胃冷熱氣不和胸膈不利三焦閉

塞

人參

去蘆頭

赤茯苓

兩桂心一兩

乾薑

一兩炮製

細辛

半兩

訶梨勒

一兩煨用皮

川大黃

一兩剉微炒

枳殼

一兩麩炒微黃去穢

赤芍藥

一兩

枳榔

一兩甘草半兩炙微赤剉

右件藥搗羅為末煉蜜和搗三五百丸如梧桐子大

不計時候以生薑湯下二十丸忌生冷油膩濕麵

草豆蔻散 治脾胃冷熱氣不和胸中滿悶不能下食

四肢無力

草豆蔻

三分去皮

赤茯苓

三分

甘草

半兩炙微赤剉

人參

半兩去蘆

白朮

半兩桂心三分

陳橘皮

半兩湯浸去白穰焙

枳殼

三分麩炒微黃去穰

半夏

三分湯浸七遍去滑

厚朴

三分去粗皮塗生薑汁炙令黃香熟

右件藥搗篩為散每服三錢以水一中盞入生薑半

分棗三枚煎至六分去滓不計時候稍熱服忌生冷

油膩飴糖

丁香散

聖惠方

治脾胃冷熱氣不和心腹虛脹痰逆不

思飲食四肢無力

丁香

乾薑

炮

白朮

各半兩

赤茯苓

去黑皮

人參

木瓜

去穢切焙

草豆蔻

去皮

訶梨勒

煨用去皮

茅香花

各三分

甘草

炙一分

右為細散不計時煎生薑棗湯調下一錢忌生冷油

膩麵食

神麴丸

聖惠方

治脾胃冷熱氣不和心腹疝痛脇肋氣

滯不思飲食四肢無力

神麴

一兩微炒
令黃色

乾薑

半兩炮
製剉

檳榔

兩甘草

半兩炙

微赤剉

桂心

半兩陳橘皮

半兩湯浸
去白瓤焙

人參

三分
去蘆

當歸

三分剉
微炒

附子

半兩炮裂
去皮臍

右件藥搗羅為末煉蜜和搗三二百丸如梧桐子大
不計時候以生薑橘皮湯下二十丸

訶梨勒丸

聖惠方

治脾胃冷熱氣不和心腹痛不欲飲

食

訶梨勒

三分煨用皮

白朮

半兩木香三分

甘草

半兩炙微赤剉

陳橘皮

半兩湯浸去白瓢焙

乾薑

半兩炮製剉

芎藭

三分縮砂半兩去皮

當歸

三分剉微炒

右件藥搗羅為末煉蜜和搗三百杵丸如梧桐子大不計時候以薑棗湯下二十丸

勻氣湯 治脾胃冷熱氣不和止痰逆思飲食

厚朴

去粗皮生薑汁炙一兩

陳橘皮

湯去白焙半兩

炙甘草

一兩

白朮

半兩沉香一分

甘松

一分白茯苓

去黑皮半兩

麥蘗

炒半兩

高良薑炒一分

右粗搗篩每服三錢鹽水一盞入生薑三片棗二枚
擘破同煎至七分去滓不計時溫服

快活丸 治脾胃冷熱相攻胃膈氣悶消痰進食

五味子

炮炒一兩

糯米

炒香熟一兩半

京三稜

炮半兩

檳榔

剉半兩

枳殼

去瓢炒一兩半

蓬莪朮

炒半兩

青橘皮

湯去白瓢焙一兩

郁李仁

湯浸去皮半兩

右為細末用半夏一兩生薑二兩爛煮研細為糊丸

如萊豆大每服十五丸至二十丸食後溫湯下

和中丸 治脾胃冷熱氣不和寬中脘

附子

炮煨去皮臍

甘草

炙

木香

各一兩

懷香子

炒一兩

乾薑

炮三兩

沉香

剉半兩

藿香葉

半兩

青橘皮

湯去白焙半兩

右為細末湯浸炊餅和丸如櫻桃大每服一丸用白湯化下食前服

硃附丸

經效濟世方

治脾胃冷熱虛滯積氣疼痛者是

黑附子

大者一箇從臍下剉如甕留一方厚有硃砂在內須至藥滿却用剉出末破細稱得

多少用白麵與前藥一般水搜
作餅片裹附子硃砂先飛過

右用炭三四斤於平地生火令地赤熱却攤周圍七
寸安附在中時時轉動令裹者藥面焦赤皆勻入於
末柏杵半日麵附皆細後入木香末半錢陳橘皮末
半錢旋旋滴水杵和勻丸如梧桐子大每服五九空
心及晚食前用淡薑湯放溫服久服更無疼痛嘔酸
之類

大腹皮湯

聖惠方

治脾胃氣冷熱不和胸膈氣滯不下

飲食宜服

大腹皮

剉微炒

桑根白皮

剉各半兩

陳橘皮

湯浸去白焙

訶梨勒皮

煨

赤茯苓

去黑皮炒三分

右粗搗篩每服三錢匕以水一盞入生薑半分煎至七分去滓不計時溫服

勝金丸 治脾胃冷熱氣不和不思飲食或腹痛疝刺

山梔子仁

烏頭

各等分

右生搗羅為細末以酒糊丸如梧桐子大每服十五

丸炒生薑下如小腸氣痛炒懷香子酒下二十丸

治腹冷不調

本草

以筋子根酒飲磨服

飲食勞倦

附論

夫人之百病皆由喜怒不節飲食失宜寒溫不適勞役所傷以致中氣有虧而五臟六腑之氣皆不足也由是而陰陽二證生焉其外傷風是天之邪氣感則傷人筋骨風從上受之風傷筋寒傷骨有形之物病也繫在下

焦腎肝是也腎肝地之氣既絕於內肝主筋腎主骨故
得病則筋骨酸疼筋骨之絕是腎肝之本亦絕乃有餘
之病當瀉不當補其內傷飲食則水穀之寒食感則害
人六腑溫存下受之脾胃之氣不足而反下行極則衝
脈之火逆而上是無形之元氣受痞繫在上焦上焦者
心肺是也心肺天之氣既絕於外心主榮肺主衛榮衛
周身在於皮毛之間故得則亦惡風寒榮衛失守皮膚
之間無陽以滋養是心肺之本亦絕乃中氣不足之病

當補不當泄俗往往將中氣不足之證誤作外感風寒
有餘客邪之病不知裏之虛實而重瀉其表使榮衛雙
絕安得不至於死不可不辨外傷寒邪者其熱也翕翕
怱怱然發於皮毛之上皮膚腠理陽之分寒邪中之鬱
遏陽不得伸發熱而鼻塞心煩悶稍稍裸露皮膚明其
熱在外也其惡寒也雖重衣下幕逼近烈日一時增
加愈甚必傳入裏作下證乃可罷此證也內傷飲食及
勞役所傷者其熱也蒸蒸而燥上衝頭項旁徹皮毛蓋

為腎間受脾下流之濕氣閉塞致陰火上行故渾身躁熱近寒涼則已明其熱在內也其惡寒也但見風見寒或居陰寒無日處便惡無有間斷一避風或添衣而覆被其所惡則不見實表而已此其證也况內傷亦有頭疼項強腰痛與太陽表證相似餘則不同內傷飲食發熱則汗出外傷風寒則不汗出得汗乃解尤當先審用藥也 傷飲食勞役病手心熱手背不熱病在內也外傷風寒病則手背熱手心不熱病在外也內傷飲食及

勞役必口失五味必腹中不利欲言强答口多沫唾鼻
中清涕或有或無此陰證也外傷風寒必鼻塞不利而
清涕聲言壅口不和此陽證內經云傷食惡寒傷寒是
也外傷風寒則氣壅盛而有餘者益心肺元氣無減損
又添邪氣助之使鼻氣壅塞不利併從口出發言前輕
後重聲狀有力故曰氣勝有餘之病也內傷飲食及勞
役則短氣少氣上喘而不足益心肺之氣先損為熱既
傷氣使四肢無力氣怯聲低不欲言語故曰氣少不足

之病也內傷則頭痛有時而作有時而止外傷則頭痛
常常有之直傳入裏方罷內傷則心肺之氣為脾土濕
熱所乘脾主四肢必四肢沉重怠惰嗜臥經云熱傷氣
熱則骨消筋緩是也外傷則腎肝氣絕為寒邪所傷腎
主骨為寒肝主筋為風必筋疼骨沈着體倚枕不能搖
動經云寒傷形寒則筋攣骨痛是也外傷不惡食而能
食口仍能知五味心氣和脾氣通故也內傷不能食而
惡食口不知五味心氣絕脾氣損故也外傷風二三日穀

消水去邪入裏則有渴內傷飲食久病者濕氣流在血脉中則不渴若勞役形質傷之重者大火熾上尅肺金則渴矣 胃中元氣盛則能食而不傷過時而不飢脾胃俱旺則能食而肥脾胃俱虛則不能食而瘦或少食而肥雖肥而四肢不舉蓋脾虛而氣盛也又有善食而瘦者胃伏火邪於氣分則能食脾虛則肌肉消即食亦瘦也叔和謂多食亦肌虛此之謂也夫飲食不節則胃病胃病則氣短精神少而生大熱有時顯火上行獨燎其

面面熱足陽明病病則脾無所稟受脾為死陰不主時也故亦從而病焉形體勞役則脾病而怠惰嗜臥四肢不收大便泄瀉脾既病則胃不能獨行津液故亦從而病焉大抵脾胃虛弱陽氣即不能發生是春夏之令不行五行之氣不生脾病則下流乘腎土尅水則骨乏無力是為骨蝕令人骨髓空虛足不能履地是陰氣重疊此陰盛陽虛之證汗之則愈下之則死若用辛甘之藥滋胃當升當浮使生長之氣旺言汗之者非正發汗也

為助陽也夫胃病其脈緩脾病其脈遲若人當臍有動
氣按之勞若痛乃火乘土位其脈洪緩更有身弱心中
不便之證此陽氣衰弱不能生發不當於五臟中用法
治之當從臟氣發時論中升降浮沉補瀉法用藥如脈
緩怠惰嗜臥四肢不收或大便泄瀉此濕勝從平胃散
若脈弦氣弱自汗四肢發熱大皮泄瀉或皮毛枯槁髮
脫落從黃耆建中湯脈虛而弱於四物湯中摘一味或
二味以本顯證中加之或真氣虛弱及氣短脈弱從四

君子湯或小便秘澁赤黃多少從五苓散去桂摘一二
味加正藥中已上五藥當於本中隨所兼見證加減假
令表虛自汗春夏加黃耆秋冬加桂如腹中急縮或脈
弦加防風急甚加甘草腹中窄狹或氣短者亦如之腹
滿氣不轉者勿加雖氣不轉而脾胃中氣不和者勿去
但加厚朴以破滯氣然亦不可多用於甘草五分中加
一分可也腹夯悶此非腹脹乃散而不收可加芍藥收
之如肺氣短促或不足者加人參白芍藥中焦用白芍

藥則脾中升陽使肝膽之邪不敢犯也腹中窄狹及縮
急者去之及諸酸澁藥亦不可用腹中痛者加甘草白
芍藥稼穡作甘甘者已也曲直作酸酸者甲也甲已化
土此仲景妙法也腹痛兼發熱加黃芩惡寒或腹中絞
寒加桂急情嗜臥有濕胃虛不能食或沉困或泄瀉加
蒼朮自汗加白朮小便不利加茯苓渴亦如之氣弱者
加白茯苓人參氣盛者加赤茯苓縮砂仁氣腹不能轉
運有熱者微加黃連心煩亂亦如之小便少者加猪苓

澤瀉汗多津液竭於上勿加之是津液還入胃中欲自行也不渴而小便閉塞不通加炒黃蘗知母小便澀者加滑石炒小便淋瀝者加澤瀉且五苓散治渴而小便不利無惡寒者不得用桂不渴而小便自利妄見妄聞乃瘀血證用炒黃蘗知母以除腎中燥熱竅不利而淋加澤瀉炒滑石若竅不利者六一散中加木通亦可心臟熱者用錢氏方中導滯散中瀉或但腹脹者加厚朴氣不順加橘皮氣滯加青皮一橘皮三氣短小便利者

四君子湯中去茯苓加黃耆以補之如腹中氣不轉者
更加甘草一半腹中刺痛或周身刺痛者或裏急者腹
中不寬快者是也盛虛坐而大便不得皆血虛也血虛
則裏急或血氣虛弱而目睛痛者加當歸身頭痛者加
川芎若頭疼者加細辛此少陰頭痛也髮脫落及臍下
痛加熟地黃調理脾胃虛弱於此藥中加減如五臟正
中互顯一二證各對證加藥無不驗然終不能使人完
復後或有因而再至者亦由督任衝三脈為邪皆胃氣

虛弱之所致也。法雖依證加減，執方料病，不依素問法度耳。是以檢討難素及黃帝經中說脾胃之源，乃陽氣不足，陰氣有餘，當從六氣不足，浮沉升降法，隨證用藥治之。蓋脾胃不足，不同餘臟無定體故也。其肝心肺腎有餘不足，或補或瀉，惟益脾胃之藥為切。經言至而不至，是為不及所勝，妄行所生，受病所不勝乘之也。至而不至者，謂從後來者為之。虛邪心與小腸來乘脾胃也。脾胃脈中見浮大而弦，其病或煩躁悶亂，或四肢發熱。

或口乾舌乾咽嗑蓋心生火小腸主熱來乘土位乃濕熱相合故煩燥悶亂四肢者脾胃也火乘之故四肢發熱也飲食不節勞役所傷以致脾胃虛弱乃血所生病主口中津液不行故口乾咽乾病人自以為渴燥醫以五苓散止渴燥而反加渴燥乃重渴津液以至危亡經云虛則補其母當以心與小腸中以補脾胃之根蒂也甘溫之藥為主以苦寒之藥為之使以酸味為之臣佐以甘辛心主緩急食酸以收之心火旺則肺金受邪

金虛則以酸補次以甘溫及甘寒之劑於脾胃中瀉心
火之亢盛是致其本也所勝妄行者言心火旺能令母
實者肝木也肝木旺則火之勢無所畏懼而妄行也故
脾胃先受之或身體沉重走注疼痛蓋濕熱相搏而風
熱鬱而不能伸附着於有形也或多怒若風熱不陷於
地中或目病而生內障者脾裹血胃主血心主脈脈者
血之府也或云心主血又云肝主血肝之竅開於目或
妄聞起妄心夜夢亡人四肢滿閉轉筋皆肝木火盛而

為邪也或生痿或生痺或生厥或中風或生惡瘡或作
腎痿或為上熱下寒為邪不一皆風熱不得生升長而
木火過於有形中也所生受病者言肺受土火木之邪
而清肅之氣傷或胸滿少氣短氣肺主諸氣五臟之氣
皆不足而陽道不行也或咳嗽寒熱者濕熱乘其內也
所不勝乘之者水乘木之旺行而反來侮土欲腎入心
為汗入肝為泣入肺為涎入脾為痰為嗽為涕為嚏為
水出鼻也一說下元土盛尅水致督任衝三脈盛火旺

煎熬令水沸騰而乘脾肺故痰涎唾出於口也下行為陰汗為外腎冷為不足不任身為脚下隱痛或水附木勢而上為眼澁為眵為淚皆由肺金之虛而害於外也夫脾胃不足皆為血病是陽氣不足陰氣有餘故九竅不通諸陽氣根於陰血中陰血中受火邪則陰盛陰盛則上乘陽分而陽道不行無生發升騰之氣也夫陽氣走竅者也陰氣附形質者也如陰氣附於土陽氣升於天則各安其分也今所立方中有辛甘溫藥者非獨用

也復有甘草大寒之劑以非獨用以火酒二製為之使
引苦甘寒藥至頂而復入於腎肝之下此所調升降浮
沉之道自偶而奇奇而至偶者也陽分奇陰分偶瀉陰
火以諸風藥升發陽氣以滋肝膽之用是令陽氣生上
出於陰分末用辛甘溫藥按其升藥使大發散於陽分
也而令走九竅經云食入於胃散精於肝淫氣於經食
入於胃濁氣歸心淫精於脈脈氣流經經氣歸於肺肺
朝百脈輸精於皮毛脈合精行氣於府且飲食入胃

先行陽道而陽氣升浮也浮者陽氣散滿皮毛升者充塞頭頂則九竅通利也若飲食不節損其胃氣不能尅化散於肝歸於心溢於肺食入則昏冒欲睡得臥則食在一邊氣暫得舒是知升發之氣不行者此也飲入於胃遊溢精氣上輸於脾脾氣散精上歸於肺病人飲入胃遽覺至臍下便欲小便由精氣不輸於脾不歸於肺則心火上攻口燥咽乾是陰氣太盛其理甚易知也脾胃病則當臍有動氣按之牢若痛有是者乃脾胃虛無

是則非也

脾胃不足則火不能生土而反亢拒此至而不至是為不及也

白朮

君

人參

臣

甘草

佐

芍藥

佐

黃連

使

黃耆

臣

桑

白皮

佐

諸風藥此是風能勝濕也諸甘溫藥亦可

心火亢盛乘於脾胃之位亦至而不至是為不及也

芍藥

佐

石膏

佐

黃連

君

知母

佐

黃蘗

臣

甘草

使

生

地黄臣黃芩佐

肝木妄行胸脇痛口苦舌乾往來熱而嘔多怒四肢
滿悶淋瀝便難轉筋腹中急痛此所不勝乘之也

羌活

佐

防風

臣

升麻

使

柴胡

君

獨活

君

芍藥

臣

甘

草臣

白朮

佐

茯苓

佐

猪苓

佐

澤瀉

佐

肉桂

臣

藁本

川芎

細辛

蔓荊子

白芷

石膏

黃蘗

知母

滑石

肺金受邪由脾胃虛弱不能生肺乃所致受病也故

咳嗽氣短氣上皮毛不能禦寒精神少而渴情燥慘而不樂皆陽氣不足陰氣有餘是體有餘而用不足也

人參

君

白朮

佐

白芍藥

佐

橘皮

臣

青皮

破滯

黃耆

臣桂枝

佐

桔梗

引

桑皮

佐

甘草

諸酸之

藥亦可

木香

佐

檳

榔

五味子

佐

此三味除客氣腎水反來侮土所勝者妄行也作涎及清涕唾唾多溺多而惡寒者是也土火復之及三

脈為邪則不足任身足不痛不能踐地骨乏無力喜睡兩足冷腹陰陰而痛妄聞妄見腰脊背脾皆痛

白朮

臣

蒼朮

佐

川烏頭

臣

乾薑

君

肉桂

佐

去皮

茯苓

佐澤瀉使猪苓佐附子

少許

夫飲食入胃陽氣上行津液與氣入於心貫於肺充實皮毛散於百脈脾稟氣於胃而澆灌四傍榮養氣血者也今飲食損胃勞倦傷脾脾胃虛則火邪乘之而生大熱當先於心分補脾之源而土生於火兼於脾胃中瀉

火之亢甚是先治其標後治其本也且濕熱相合陽氣
日已虛則不能上升而脾胃之氣下流併入腎肝是有
秋冬而無春夏春主升夏主浮人則肝心應之弱則陰
氣勝則陽氣不能經營陽本根於陰惟瀉陰中火味薄
風藥升發以伸陽氣則陰氣不病陽氣生矣 假令不
能食而肌肉削乃本病也其右關脈緩而弱本脈也而
本部本脈證脈中兼見弦脉或見四肢滿閉淋瀝便難
轉筋一二證此肝之脾胃病也當於本經藥中加風藥

以瀉之本部本證脈中兼見洪大或肌熱煩熱面赤而不能食肌肉消一二證此心之脾胃病也當於本經藥中加瀉心火之藥本部本證脈中兼見浮澁或見氣短氣上喘嗽咳痰盛皮澁一二證此肺之脾胃病也當於本經藥中兼瀉肺之體及補肺之藥本部本證脈中兼見沉細或見善恐懼之證此腎之脾胃病也當於本經藥中加瀉腎水之浮及瀉陰火伏熾之藥病有逆從治有反正除四反治法不須論之惟有陽明厥陰不從標

本從乎中也假如時在長夏之令中立方謂正當主氣衰而客氣旺之時也後之處方者當從此法加時令藥名補脾胃瀉陰火升陽湯升陽益胃湯之類方在脾胃俱虛類君臣佐使法有毒無毒無毒所治為主主病者為君佐君者為臣應臣者為使一法力大者為君凡藥之用皆以氣味為主補瀉在味隨時換氣氣薄者為陽中之陰氣厚者為陰中之陽味薄者為陰中之陽味厚者為陰中之陰辛甘淡中熱者為陽中之陽辛甘淡中

寒者為陽中之陰酸苦鹹之寒者為陰之陰酸鹹之熱者為陰中之陽夫辛甘淡酸苦鹹乃味之陰陽又為地之陰陽也溫涼寒熱乃氣之陰陽又為天之陰陽也氣味生成而陰陽造化之機存焉一味之內氣味兼有一藥之中理性具焉主對治療由是而出假令治表實麻黃葛根表虛桂枝黃耆裏實枳實大黃裏虛人參芍藥熱者黃芩黃連寒者乾薑附子之類為君君藥分兩最多臣藥次之使藥又次之不可令臣過於君君臣有序

相與宣攝則可以禦邪除病矣如陽脈澁陰脈弦腹中
急痛法當以芍藥之酸於上瀉木為君飴糖炙甘草甘
溫補脾養胃為臣水挾木勢亦來侮土故脈弦而脹痛
肉桂大辛熱佐芍藥以退寒水薑棗甘辛溫發散陽氣
行於經脈皮毛為使建中之名於此見焉有緩急收散
升降浮沉澁滑之類非一也皮毛肌肉之不伸無大熱
不能食而渴者加葛根半兩燥熱及胃氣上衝為衝脈
所逆或作惡氣而裏者加炒黃蘗知母覺胸中熱而不

渴加炒黃芩如胸中結滯氣澁或有熱病者亦各加之
如食少而小便少者津液不足也勿利之益氣補脾自
行矣氣弱氣短者加人參入升陽之劑助陽尤甚如人
惡熱發熱而躁渴脈洪大白虎湯主之或喘者加人參
如渴不止寒水石膏各等分少少與之即錢氏方中
甘露飲主身大熱而小便數或上飲下洩此躁熱也氣
燥加白葵花如脈弦只加風藥不可用五苓散如小便
不行病增者此內燥津液不能停留致津液加炒黃藥

赤葵花心下痞悶加黃連一黃芩三減諸甘藥不能食心
下軟而痞者甘草瀉心湯則愈喘滿者加炙厚朴小便
不利者加之小便為禁藥也胃虛弱而痞者加甘草喘
而不利者加苦葶藶氣短氣弱而腹微滿者不去人參
去甘草加厚朴然不若苦味泄之而不令大便秘行如腹
微滿者而氣不轉加之中滿者去甘草倍黃連加黃蘗
更加三味五苓散少許此病雖宜升宜汗如汗多亡陽
加黃耆四肢肌熱煩熱與羌活柴胡升麻葛根甘草則

愈鼻流清涕或頂背脊脊強痛羗活防風甘草等分黃連加倍臨卧服之有大熱脈洪大加苦寒劑而熱不退者加石膏如脾胃中熱加炒黃連甘草凡治此病脈數者當用黃蘗或少加黃連以柴胡蒼朮黃耆甘草更加升麻得汗出則脈必下是火鬱而發之也如證退而脈數不退不洪大而痰有力者多加苦藥加石膏如大便軟或泄者加桔梗食後服之此藥悞用則其害非細用者旋旋加之如食少者不可用石膏石膏善能去脈數即

病退脈數不退者死不治不大渴亦不可用如脉弦而數者此陰氣也風藥升陽以發火鬱則脈數峻退矣

風寒汗出肩背痛中風小便數而欠者風熱乘其肺使肺氣鬱甚也當瀉風熱以通氣防風湯主之小便遺失者肺氣虛也宜臥養氣禁勞役以黃耆人參之類補之不愈當清其熱加黃柏生地黃肩背痛不可回顧此手太陽氣鬱而不行以風藥散之如脊痛項強腰似折項似拔上衝頭痛及足太陽經不行也以羌活勝濕湯主

之如腿脚沉重者無力者加酒洗漢防已半錢輕則附子重則川烏頭少許以為引用而行經也如臥而多驚小便淋洩者邪在少陽厥陰亦用太陽經藥更加柴胡半錢如淋加澤瀉半錢此下焦三經風寒合病也腎肝之病同一治為俱在下焦非風藥行經不可也如大便後有白膿或赤便膿者因勞役氣虛傷大腸也以黃耆人參湯補之如裏急後重者血虛也加當歸如肺脹膨脹而喘嗽胸膈氣滿壅盛而上奔者多加五味子人參次

之麥門冬又次之黃連少許甚則交兩手脅者真氣大
虛也若氣短加黃耆五味子人參氣盛加五味子人參
黃芩荊芥穗冬月去荊芥穗加草豆蔻仁如咽嗑痛額
腫頸肩懦肘臂外後廉面赤脈洪大者以羌活防風甘
草藁本通其經血加黃芩黃連消其腫以人參黃耆益
其元氣而瀉其火邪如脈緊者寒也或面白善嚏或面
白色惡皆寒也亦加羌活等四味當瀉足太陽不用黃
芩少加附子以通其脈面色白多悲恐者更加桂附如

便白膿少有滑頻見污衣者氣脫加附子皮甚則加米穀如氣澁者只以甘藥補氣當安臥不動以養其氣

夫脾胃虛弱必上焦之氣不足過夏天氣熱甚損其元氣怠惰嗜臥四肢不收精神不足兩脚痿弱遇早晚寒厥日高之後陽氣將旺復熱如火乃陰陽氣血俱不足故或熱厥而陰虛或寒厥而氣虛口不知味目中流火而視物眊眊無所見小便頻而數大便難而結祕胃脘當心而痛兩脇痛或急縮臍平周圍如繩束之急甚則

如刀刺腹難舒伸胸中閉塞時顯嘔噦或有痰嗽口沃
白沫舌強腰背脾眼皆痛頭痛時作食不下或食入即
飽全不思食自汗尤甚若陰氣覆在皮毛之上皆天熱
之熱助本病乃庚大腸辛肺金為熱所乘而作當先救
元氣調理庚辛之不足以黃耆人參湯主之如心痞悶
加黃連二分或三分如胃脘常痛減大寒藥加草豆蔻
仁五分如脇下痛或縮急加柴胡二分或三分如頭痛
目中溜火加黃連二分或三分川芎三分如頭目不清

利上壅下熱加蔓荊子三分藁本二分細辛一分川芎
三分生地黃二分如氣短精神如夢寐之間困乏無力
加五味子九箇如大便澁滯隔一二日不見者致食少
不下血中伏火而不得潤也加當歸身生地黃各半錢
桃仁三枚麻子仁泥五分如大便通所加之藥勿再服
如大便又不快利者勿用別藥少加大黃煨半錢如不
利者非血結血秘而不通也是熱則生風其病人必顯
風證單血藥不可服加之常服人參黃耆湯只用羌活

半兩防風半兩二味咬咀以水四盞煎至一盞去滓空
心服之其大便必大走也一服便止如胸中氣滯加青
皮一分或二分并去白橘皮倍之去其邪氣此病本元
氣不足惟當補元氣不當瀉之如氣太甚或補藥過多
或病人心有憂滯鬱之事更加木香二分或三分白豆
蔻仁二分縮砂仁二分或三分如腹痛不惡寒者加白
芍半錢黃芩二分却減五味子 脾胃虛弱遇六七月
間河漲淋雨諸物皆潤人汗沾衣身重短氣甚則四肢

痿軟行步不正脚軟眼黑欲倒此腎水與膀胱俱竭狀也當急救之滋肺氣以補水之上源又使庚大腸不受邪熱不令汗大泄也汗泄甚則止津液則七神無依津液相乘神乃自生津者庚大腸所主三伏之義為庚金受囚也若正津液汗太泄濕令亢甚則清肅之氣正燥金受囚風木無可以制故風濕相搏骨節煩疼一身盡痛亢則害承乃制是也五月常服五味子是瀉丙火補庚大腸益五臟之元氣壬膀胱之寒已絕於己癸腎水

已絕於午今更逢濕旺助熱為邪西方北方之寒清絕
矣聖人立法夏宜補者補天真元氣非補熱火也令人
夏食寒是也為熱傷元氣以人參麥門冬五味子生脈
脈者元氣也人參之甘補元氣瀉熱火也麥門冬之苦
寒補水之源而清肅燥金也五味子之酸以瀉火補庚
大腸與肺金也當此之時無病之人亦或有二證或避
暑熱納涼於深堂大厦得之者名曰中暑其病必頭疼
惡寒身形拘急肢節疼痛而煩心肌膚火熱無汗為房

室陰寒所遏使周身陽氣不得伸越意多以大順散主之是也若行人或農夫於日中勞役得之者名曰中熱其病必苦頭痛發燥熱手捫之肌膚大熱必大渴引飲汗大泄無氣以動乃天熱外傷肺氣蒼朮白虎湯主之潔古云動而得之為中熱靜而得之為中暑中暑陰證當發散也中熱者陽證為熱傷元氣非形體受病也若虛損脾胃有宿痰之人遇此天暑將理失所違時伐化必因乏無力懶語氣短氣弱氣促似喘非喘骨乏無力

其形如夢寐濛濛如煙霧中不知身所有也必大汗泄
若風犯汗眼皮膚必搖項筋皮枯毛焦身體皆重支節
時有煩疼或一身盡痛或渴或不渴或小便黃澁此風
濕相搏也頭痛或頭重上熱壅盛口鼻氣短促身心煩
亂有不生之意情思慘悽此陰勝陽之極也病甚則轉
腎肝之為痿厥四肢如在火中為熱厥四肢寒冷者為
寒厥寒厥則腹中有寒熱厥則腹中有熱為脾主四肢故
也若肌肉濡潰痺而不仁傳為肉痿證證皆有肺疾用

藥之人當以此調之氣上衝胸皆厥證也痿者四肢痿軟而無力也其心煩冤不止厥者氣逆也甚則大逆故曰厥逆其厥痺多相須也於黃耆人參五味子麥門冬湯中每服加白茯苓二分澤瀉四分豬苓一分白朮一分如小便快利不黃色只加澤瀉二分與二朮上下分消其濕如行步不正脚膝痿弱四肢欲側者已中痿邪加酒洗黃蘗五分炒知母三分不令妨其食當以意斟酌若妨食則止候食進則再服三里氣衝以三稜鍼出

血若汗不減不止者於三里穴下三寸上廉穴出血禁
潤物濕麵夫痿者濕熱乘腎肝也當急去之不然則下
焦元氣竭盡而成軟癱腰下不能動心煩冤而不止也
若身重減氣不短小便如常及濕熱之令退時或所增
之病氣退者不用五味子澤瀉茯苓猪苓黃蘗知母蒼
朮白朮之藥只依本病中證候加減常服藥亦須用酒
黃蘗二分或三分如更時令清燥之氣大却加辛溫瀉
之苦濕氣盛風證不退眩運麻木不仁除風濕羌活主之

夫脈弦洪緩而沉按之中指下得一時澁其證四肢滿
閉肢節煩疼難以屈伸身體沉重煩心不安忽時忽瘦
四肢懶倦口失滋味復難舒伸大小便清利而數或上
飲下便或大便澁滯不行一二日一見夏月殮泄米穀
不化或便後見血見白膿胸滿短氣咽膈不通或痰嗽
粘稠口中沃沫食入反出耳鳴耳聾目中流淚視物昏
花努肉紅絲墊壅頭目不得安息嗜臥無力不思飲食
調中益氣湯主之氣虛身弱得之傷暑熱傷氣故也有

所遠行勞倦逢大熱而渴渴則陽氣內伐內伐則熱舍
於腎腎者水臟也今水不勝火則骨枯髓虛足不任身
發為骨痿者生於大熱也此溫成痿令人骨乏無力故
治痿獨取於陽明時當長夏濕熱大勝蒸蒸而熾人感
之多四肢困倦精神短少懶於動作胸滿氣促肢節沉
疼或氣高而嗽身熱而煩心膨閉小便黃而數大便溏
而頻或痢出黃如糜或如泔色或渴或不渴不思飲食
自汗體重或汗少者血先病而氣不病也其脈中得洪

緩若濕氣相搏必加之以遲遲病雖互換少差其天暑濕令則一也宜以清燥之劑治之陽氣者衛外而為固也是則氣泄令暑邪於衛故身熱自汗以黃耆甘溫補之為君人參橘皮當歸甘草微溫補中益氣為臣蒼朮白朮澤瀉滲利而除濕升麻葛根甘苦平善解肌熱又以風勝濕也濕勝則食不消而作痞滿故炒麴甘草青皮辛溫消食快氣腎惡燥急食辛以潤之故以黃蘗苦辛寒借甘味瀉熱補水虛者淫其化以人參五味子麥

門冬酸甘微寒救天暑之傷於庚金為佐名曰清暑益氣湯此病皆由飲食勞倦損其脾胃乘天暑而病作也但藥中犯澤瀉猪苓茯苓燈草通草木通淡滲利小便之類皆從時令之旺氣以瀉脾胃之客邪而補金水之不及也此方以從權而立之者若於無時病濕熱脾土之證或小便已敷腎肝不受邪者誤用之必大瀉真陰竭絕腎水先損兩目也心火乘脾乃血受火邪而不能外發陽氣伏於地中地者人之脾也必用當歸和血少

用黃蘗以益真陰脾胃不足之證須少用升麻乃足陽明太陰別經之藥也使行陽道自脾胃中又遷少陽行春令生萬物化生根帶也更少加柴胡使諸經又遷生發陰陽之氣以滋春之和氣也脾胃緣心火亢甚而乘其土也其次肺氣受邪為熱所傷必須用黃耆最多甘草次之三者皆甘溫之藥也脾始虛肺氣先絕故用黃耆甘溫以益皮毛之氣而閉腠理不令自汗而損其元氣也上喘氣短懶語須用人參以補之心火乘脾須用

炙甘草以瀉火熱而補脾胃中元氣甘草最少恐資滿也若脾胃之急痛并脾胃太虛腹中急縮腹皮急縮者却宜多用之若從權加升麻以引之恐在遷之邪堅盛卒不肯退反行陰逆故使引陽道上行若中滿者去甘草嗽甚者去人參如口乾噤乾者加葛根血虛加人參補之陽旺則能生陰血也更加當歸和血又加黃蘗以救腎水益甘寒瀉熱火火減則心氣平安如煩亂猶不能止少加黃連以去之如氣浮亂則以硃砂安神丸鎮

固之如心下痞亦少加黃連氣亂於胸為清濁相干故以橘皮理之能助陽氣之升又助甘辛為用也長夏溫土客邪大旺可從權加蒼朮白朮澤瀉上下分消其濕熱之氣濕氣太勝主食不消化故食減不知穀味加炒麴以消之復加五味子麥門冬以人參瀉火益肺氣故秋損也此三伏中長夏正旺之藥也濁氣在陽亂於胸中則腹滿閉塞大便不通夏月宜少加酒洗黃蘗大苦寒之味冬月宜加吳茱萸大辛苦熱之藥以從權乃隨

時用氣以從權乃隨時用氣以瀉濁氣之不降也借用
大寒之氣於甘藥中故曰甘寒瀉大熱也亦須用發散
寒氣辛溫之劑多黃藥少也 清氣在陰者乃人之脾

胃氣衰不升發陽氣故升麻柴胡助辛甘之味以引元
氣之升不令殄泄也堵寒咽喉陽氣不得出者曰塞陰
氣不得下降者曰噎夫噎迎於咽喉胸膈之間今諸經
不行則口開目瞪氣欲絕當先用辛甘氣味俱陽之藥
引胃氣以治其本加堵塞之藥以瀉其標也寒月陰氣

大助陰邪於外於正藥內加吳茱萸大熱大辛苦之味以瀉陰寒之氣暑月陽盛則於正藥中加青皮陳皮益智黃蘗散寒氣泄陰火之上逆或以消痞丸合滋腎丸者黃蘗加知母微加桂三味是也或更以黃連別作丸二藥各七十八丸空心約盡服之待少時以美食壓之不令胃中停留也如食少不飢加炒麴如食已心下痞別服橘皮枳朮丸如脈弦四肢滿閉便難而心下痞加甘草黃連柴胡如腹中氣上逆者是衝脈逆也加黃

藥三分黃連一分半以泄之如大便閉燥心下痞加黃連桃仁少加大黃當歸身如心下痞嘔逆者加黃連生薑橘皮如冬月加黃連少入丁香藿香葉如口乾噤乾加五味子葛根如脇下急或痛甚俱加柴胡甘草如胸中滿悶鬱鬱然加橘皮紅青皮木香少許如頭痛有痰身重懶倦者乃太陰痰厥頭痛加半夏半錢生薑二分或三分如腹中或周身間有刺痛此血滯不足加當歸身如噦加五味子多益智仁如食不下乃胸中胃上有

寒或氣滯滯加青皮陳皮木香此三味為定法冬天加
益智仁草豆蔻仁夏月少用更加黃連秋月氣滯滯食
不下更加檳榔草豆蔻仁縮砂仁或加白豆蔻如春三
之月食不下亦用青皮少陳皮多加風藥以退其寒覆
其上如初春猶寒更少加辛熱以補春氣之不足以為
風藥之佐益智草豆蔻皆可也如脈弦者見動風之證
以風藥通之如脈滯覺氣滯滯者加當歸身天門冬木
香青皮陳皮有寒者加桂枝陳皮黃耆如胸中澁塞或

氣閉悶亂者肺氣滯滯而不行宜破滯氣者青皮陳皮
更加木香檳榔冬月加吳茱萸人參繳塞因外寒所遏
必寸口脈弦或微緊乃胸中大寒也若加之舌上白胎
滑者乃丹田有熱胸中有寒加黃蘗生地黃勿作寒證
治之如秋天氣寒涼而腹痛者加半夏或益智等藥
若或草豆蔻之類如發熱或捫之而肌表熱者此表證
也只服補中益氣湯一二服得微汗則涼矣如脚膝痿
軟行步乏力或疼痛乃腎肝中伏濕熱少加黃蘗空心

服之不愈更增黃蘗加漢防已半錢則脚膝中氣如故也如多唾白沫胃口上停寒也加益智仁如少氣不足以息者服正藥一二服氣猶短促者為膈上及表間有寒所當遏引陽氣上伸加羌活獨活藁本最少升麻多柴胡次之黃耆加倍飲食勞倦所傷身熱氣短以黃耆甘草人參白芍藥當歸少加柴胡升麻立愈此者可以通天地之變也又經云氣勝身寒得之傷寒身形也仲景以麻黃桂枝青龍湯之類發散寒邪汗出而解

矣 內傷飲食服藥用藥者皆以為細務然利害非小
蓋胃氣者榮氣也穀氣也清氣也資少陽生發之氣人
之真氣衰旺皆在飲食入胃和則五穀氣升輸於華蓋
布灌於五臟以資元氣生發之功也飲食一傷藥對所
傷之物胃氣愈旺穀氣精氣神氣強盛氣血周流百病
不侵一藥之用大哉若下峻利之藥所傷之物已去藥
未盡化病去之後脾胃受虧脾胃既虧則精敗損促人
命其可戒哉且如易水張先生枳朮丸神妙可推以白

未之甘溫補脾胃其若除胃中之濕熱是先補其虧後以尅化之尅化者枳實是也以枳實苦寒泄心下痞悶消化胃中所傷則不峻利也且以燒飯與白朮協力滋養穀氣令脾胃自厚不至內傷若以辛熱之物如集香丸之類下之大便下則所傷物去巴豆大熱有毒重傷元氣七神不熾經云熱傷氣正謂此也其人必無氣而熱因而四肢不舉傳變諸痰不可勝數經云因而大飲則氣逆因而飽食則腸癖為痔夫飲食無形之氣傷

之則發汗利小便解醒湯五苓散主之食者有形之物
傷之則損其穀而消導之丁香爛飯枳朮丸主之若重
攻化三稜消積木香見脘之類是也尤重則吐瓜蒂備
急之類是也以平為期斯為善矣穀肉穀菜本以養生
無使過之傷其正也苟能慎起處節飲食經云不治已
病治未病此之謂也傷冷飲不惡寒身重飲食不化
小便不利去桂五苓散假令傷熱物二分生冷物一
分用寒藥三黃丸二停熱藥木香見脘一停合而用之

傷生冷二分熱物一分用見脘二停三黃一停合而服之
假令夏月傷生冷當用見脘丸須少加三黃丸蓋
天時不可伐故加寒藥以順時令若傷熱物只用三黃
此三黃時藥也 假令冬月傷羊肉濕麵熱物當用三
黃須加熱藥少許草豆蔻之類為引用又為時藥也

方

補中益氣湯

出拔
萃方

治脾胃虛弱飲食勞倦內傷不足

之病 古之聖人窮於陰陽之化究乎生死之氣所著

內經悉言人以胃氣為本人受水穀之氣以生所謂清氣榮氣運氣衛氣春升之氣皆謂之氣別稱也夫胃水穀之海飲食入胃遊溢精氣上輸於脾脾氣散精上歸於肺通調水道下輸膀胱水精四布五經并行合於四時五臟陰陽揆度以為常也苟飲食不節寒溫不適則脾胃乃傷喜怒憂恐而損耗元氣既脾胃衰元氣不足而心火獨盛心火者陰火也起於下焦其系繫於心心不主令相火代之相火下焦包絡之火元氣之賊也火

與元氣不兩立一勝則一負脾胃虛則下流於腎肝陰火得乘其土位故脾胃之證使得之則氣高而喘身熱而煩其脈洪大而頭痛或渴不止其皮膚不任風寒而生寒熱蓋陰火上衝則氣高喘而煩熱為頭痛為渴而脈洪脾胃之氣下流使穀氣不得升浮是春行之令則無陽以護其榮衛則不任風寒乃生寒熱此皆脾胃之氣不足所致也然而外感風寒所得之證頗因而寒異內傷脾胃乃傷其氣外感風寒乃傷其形為有餘有餘

者瀉之傷其內為不足不足補之汗之下之吐之尅之
之類皆瀉也溫之和之調之養之之類則皆補也內傷
不足之證苟誤認外感有餘之病而反瀉之則虛其虛
也實實虛虛損不足而補有餘如此死者醫殺之也然
則奈何曰惟當以辛溫之劑補其中而升其陽甘寒以
瀉其火則愈矣勞者溫之損者溫之溫能除大熱大忌
寒苦之藥瀉其土耳今立此方主之

黃耆

半錢病甚勞
役熱者一錢

當歸身

二錢酒洗焙乾二
日乾小和血脈

人參

三錢有嗽去之

白朮

三錢以調其氣

炙甘草

半錢

柴胡

二錢引清氣上升行少陽

之經升麻

二錢引胃氣上升而復本位便是行春升之令

橘皮

三錢以導滯氣又能益元

氣行諸甘藥

方件咬咀都作一服水二盞去滓大溫服一方加白

芍藥黃蘗紅花

硃砂安神丸

出拔萃方

夫脾胃虛者因而飲食勞倦心火亢

甚而乘其土位其次肺氣受邪須用黃耆最多甘草人

參次之脾如一虛肺氣先絕故用黃耆以益皮毛而閉

腠理不令自汗損其元氣上喘氣短人參以補之心火
乘脾須炙甘草之甘以瀉火熱而補脾胃中元氣若脾
胃急痛大虛眼皮急縮者最宜多用急者緩之胃中清
氣在下必加升麻柴胡以引之引黃耆甘草上升能補
胃氣之散解以緩帶脈之縮急二味苦平味薄者陰中
之陽而引清氣上升也黃耆人參甘草三味溫為主用
脾胃虛乃必用之藥氣亂於胸為濁相干用去白橘皮
以理之又能助陽氣之升以散滯氣助諸甘辛為用也

口乾嗑乾者加葛根脾胃氣虛不能升浮為陰火傷其
生發之氣勞血大虧榮氣不營陰火熾盛是血中伏火
日漸煎熬血氣日減心包主血血減則心無所養致使
心亂而煩病名曰忪忪者心感而煩悶不安也故加辛
溫甘溫之劑生陽陽生則陰長或曰甘溫何能生血仲
景之法血虛以人參補之陽旺則能生陰血更加當歸
和之又宜加黃蘗以救腎水能瀉陰中之伏火如煩猶
伏止少加生地黃補腎水水旺而心火自降如氣浮亂

以硃砂安神丸鎮固之則愈

硃砂

五錢另研
陰乾稱

黃連

去鬚揀酒
洗秤六錢

當歸

去蘆二
錢半

炙甘

草

五錢
半

生地黃

二錢
半

右為細末另硃砂水飛如塵陰乾為衣湯浸餌餅為
丸如黍米大每服一十九丸津唾嚥之食後熱淫所勝
治以甘寒以苦寒瀉之黃連苦寒去心煩除濕熱為
君以甘草生地黃之甘寒瀉虛熱滋生陰血為臣以
當歸補其血不足硃砂納浮游之火而安神 四時

用藥加減法 長夏濕土客邪大旺加蒼朮澤瀉上下
分消其濕熱之氣濕熱大勝主食不消故食減不知穀
味則加麴以消之加五味子麥門冬助人參瀉火益肺
氣助秋損也在三伏中為莖藥堵塞咽喉陽氣不得出
病名曰寒陰氣不得降病名曰噎噎塞迎逆於咽喉胸
膈之間令諸經周身陽氣不行令人開目瞪氣欲絕者
何也清氣在陰濁氣在陽清濁相干於胸中是為大忪
夏月加青皮陳皮益智黃蘗泄陰火之上逆或以清痞

九滋腎丸各七八十九則愈冬月加吳茱萸大熱大辛

苦之味以瀉陰寒之氣則愈食不消則加炒麴

空心約宿食消

盡之時少時以美食壓之不令胸中停留也

食不下乃胸中有寒胸上有寒

或氣寒澀滯加青皮陳皮木香此三味為定法冬月加

益智仁并草豆蔻仁夏月少加黃芩黃連秋更加檳榔

草豆蔻縮砂仁白豆蔻仁如春初猶寒更少加辛熱之

劑以補春氣之不足為風藥之佐益智草豆蔻可也冬

月咳嗽者加不去節麻黃半錢如秋涼亦加如春月天

溫只加佛手甘草款冬花各三分若痰嗽久病肺中伏火者去人參防痰嗽增益耳然調和陰陽血氣之際甘溫為必用之藥脈洪大兼見熱證少加黃芩黃連生地黃甘草脈緩顯沉困怠惰無力者濕勝也加蒼朮澤瀉人參白茯苓五味子脈澁氣滯澁者加當歸身木香天門冬青陳皮覺寒者加桂枝黃耆

不是病雖見熱証須加寒熱藥不宜多以

從權頭痛有痰沉重懶倦者乃太陰痰厥頭痛加半夏半

錢生薑三二分若更煩亂如腹中或周身有刺痛皆血

泄不足加當歸身脇下急或痛甚俱加柴胡甘草人參
腹中氣上逆者衝脈逆也加黃蘗三分黃連二分以瀉
之多唾或唾白沫胃口上停寒也加益智仁如少氣不
足以息服正藥二三服猶氣短促此膈上及皮表間有
寒所遏當引陽氣上升則愈多加羌活獨活升麻柴胡
藁本次之黃耆倍之捫之而肌熱表證也只服正藥一
二服得微汗則已躁熱作蒸蒸而熱者腎間伏火上騰
也加黃蘗地黃各三分脚膝痿軟行步乏力或痛乃腎

肝伏熱少加黃蘗空心服如不愈更加漢防已半錢則愈使脚膝氣力湧出矣脈緩有痰而痞加半夏黃連脈弦四肢滿閉便難而心下痞加黃連柴胡甘草大便秘燥心下痞加黃連桃仁少加大黃當歸身心下痞忤悶者加白芍藥黃連心下痞腹脹加五味子白芍藥縮砂仁如天寒少加乾薑或用桂心下痞覺中寒加附子黃連心下痞加黃連生薑橘皮冬月黃連木香藿香葉能食而心下痞加黃連半錢枳實三分胸中氣滯加去白

青皮益痛含腫脈洪大面赤者加黃芩桔梗甘草耳鳴目黃頰腫頭肩臑肘臂外後廉痛面赤脈洪大者以羌活防風甘草藁本以通其經血加黃芩黃連消其腫人參黃耆益元氣而瀉火邪如脈緊面白善噦或面色惡者皆寒也亦羌等四味中加之當瀉足太陽也不用寒藥小便遺失肺金也宜安臥養氣以黃耆人參湯之類補之不愈是有熱也加黃蘗生地黃切藥勞役臥而多驚小便淋洩者邪在少陽厥陰亦宜太陽經所加之藥

更加柴胡半錢如淋加澤瀉半錢此下焦風寒合病也
腎肝之病同一治法俱在下焦非風藥行經則不可乃
受客邪之濕熱也宜升舉發散以除之頭痛加蔓荊子
半分痛甚加川芎二分頂腦痛加藁本三分若苦頭痛
加細辛二分諸頭痛并用此四味足矣臍下痛者加熟
地黃三分不已者大寒也其寒從轉變中來加肉桂三
分徧閱內經少腹痛者皆寒非傷寒厥陰之證也
仲景以抵
當湯丸主乃血
身有疼痛及身重者濕也以五苓散主
結下焦膀胱

之如風濕相搏一身盡痛加羌活防風各半錢升麻柴胡各半錢藁本羌活蒼朮各一錢所以然者為風藥也能勝濕故另作一服與之

通氣防風湯

出拔
華方

治肩背痛不可迴顧者此手太陽

氣鬱而不行以風藥散之脊痛項強腰似折項似拔者此足太陽經不行以此藥主之

羌活

獨活

各一錢

藁本

防風

甘草

各一錢

川芎

蔓荊子

各二錢

右呖咀都作一服水三盞煎至一盞去渣溫服空心
如身重腰沉沉然經中有寒濕也更加酒洗漢防已
半錢輕者附子重者川烏頭腹中痛不惡寒加黃芩
芍藥腹中痛惡寒而脈弦者小建中湯如脈沉細者
理中湯之類主之腹痛在寒涼時加半夏益智草豆
蔻之類胃脘當心而痛氣欲絕者胃虛之極也俗言
心以草豆蔻丸主之

方見本門脾
胃俱虛類

白朮附子湯

出拔
萃方

治脾胃之證始則熱終則寒中陰

盛生內寒厥氣上逆寒氣積於胸中是腎水反來侮土
此謂所勝者妄走行也作中滿腹脹作涎作清涕或多
溺足下痛不能任身履地骨乏無力喜睡兩丸多冷時
作陰陰而痛或妄鬼狀夢亡人腰背胛眼脊背痛而不
渴不瀉不渴不瀉則溫氣去寒獨留寒獨留則血凝
血凝則脈不通故其脈盛大以濇曰寒中當以此藥
主之

茯苓

澤瀉

各二兩

猪苓

去皮半兩

肉桂

四錢

右件剉如麻豆大每服五錢水三盞生薑三片同煎至一盞去滓食前溫服之量病人虛實加減多少

補中益氣湯 內外傷辨云飲食勞倦所傷必氣高身熱煩喘短氣鼻息不調嗜臥困倦少言皆熱傷元氣耗故也宜溫甘之劑以補元氣瀉火也其初肌膚間必大熱燥悶心煩而渴久後則不渴頭痛大作四肢疼痛表虛不任風寒目不欲開慎不可以寒涼藥與之內經云勞者溫之損者益之蓋以溫藥以補元氣瀉心火也其

內熱皆由心火乘於皮膚之位穀氣不能上升輸於心肺滋養上焦故爾屬少陽宜用此方

黃耆

半錢或病勞復熱甚者一錢

人參

去蘆三錢

甘草

半錢已上三味除燥熱意

解肌之聖藥也

紅花

一分 白芍藥

三分秋冬之月末之只用白朮三分代之

葛根

半錢如渴用之渴甚以意旋加不渴去之

當歸

二分酒洗焙乾以和血脈

橘皮

不去白二

分或三分以導滯氣又至能益元氣得甘藥乃可若獨用瀉脾

升麻

二分或三分引胃氣上升

而復其令便是春令

柴胡

六分或三分引清氣行少陽之氣上升

黃栢

酒洗去皮一分

或二分但言分也一錢則十分也

黃芩

二分或三分如覺胸中熱用之却除黃栢

生甘

草梢

三分如覺胸中熱用之不熱却除之

右㕮咀作一服水二大盞量氣弱氣盛加減水盞大小去滓食遠稍熱服傷重者不二服若病日久立減法於後腹中痛加白芍藥半分甘草三分惡寒疼痛加去皮中桂一分或二分桂心是也惡熱寒而痛者於已加白芍藥甘草二味中更加生黃芩一分或二分治時藥也如天涼時惡熱而痛於已加白芍藥甘草黃芩中更少加桂一分如腹痛在天氣寒涼時則

去芍藥以其味酸而寒故也別加熱藥用之天氣寒
涼時復加益智仁二分或三分或作半夏半錢生薑
三片忌用芍藥頭痛加蔓荊子二分痛甚加芎二分
頂痛腦痛更加藁本根三分或半錢若頭痛更加細
辛二分諸般頭痛者併用此四味足矣若頭上有熱
則此不能治別有青空膏治之臍中痛者加真熟地
黃半錢其痛乃止如不止則大寒也其寒從變中來
更加肉桂去皮三分或二分胸中氣滯加蓮花青皮

一分壅滯者去之氣促及少氣者去之身間痛疼者
濕若覺身重者溫加去桂五苓散一分風濕相搏一
身盡疼加羌活半錢防風半錢升麻一錢柴胡半錢
藁本根半錢蒼朮勿用五苓止服元藥也大便秘澀
加當歸一錢閉塞不大便煎正藥或先用調元明粉
半錢一錢久病咳嗽去人參冬月加不去節麻黃半
錢如春寒者亦酌量加之春月天溫加甘草三分欬
冬花三分勿加麻黃若初病之人痰嗽不去人參久

病肺中伏火者去人參夏月得病加五味子去子七
八箇去心麥門冬二分或一分如舌上白滑胎者是
胸中有寒勿用之夏月更加人參二分五味子麥門
冬等分病人能食心下痞加黃連一分如不能食心
下痞勿加黃連依方服脇下痛或脇下縮急加柴胡
三分甚加半錢已上治熱中始用諸甘藥若傳至寒
中腹脹咽膈不通胃脘當心而痛若前用甘溫之類
則誤矣

升陽順氣湯

濟生拔萃方

治飲食不節勞役所傷腹滿悶

短氣遇春口淡無味遇夏雖熱猶惡寒饑常如飽不

喜冷物

升麻

錢一

柴胡

錢一

黃耆

兩半夏湯浸三錢

人參

三錢

陳皮

錢一

甘草

半錢

草豆蔻

二錢

神麴

炒一分

當歸身

錢一

黃栢

半錢

右呔咀每服三錢水二大盞薑五片煎至一盞去滓

空心溫服

寬中進食丸

醫方大成

滋榮氣喜飲食

草豆蔻

錢五

縮砂仁

錢二

半夏

錢七

大麥蘖麴

錢五

枳實

麴炒去
穢四錢

神麴

錢五

甘草

錢一

乾生薑

錢二

陳皮

錢三

錢

木香

分一

白朮

錢三

白茯苓

錢三

猪苓

錢三

澤瀉

錢二

錢

半人參

錢二

青皮

錢二

檳榔

一方無

檳榔

無

右為末湯煮蒸餅為丸如桐子大每服三十丸米飲

湯下空心服

一方用檳榔二錢半

和中丸

一名平胃丸

病久虛弱厭不能下食而臟腑或秘

或澹此胃氣虛弱也常服則和中理氣消痰去濕厚

腸胃進飲食

出濟生
拔萃方

厚朴

姜汁
一兩

白朮

一兩
二錢

半夏

洗七次
一兩

陳皮

去白
八錢

檳榔

四錢
五分

枳實

麩炒

三錢
半

木香

二錢
半

炙甘草

二錢
半

右為末生薑自然汁浸蒸餅為丸如梧桐子大每服

三十丸至五十丸溫水空心服一方用生薑湯下

橘皮枳朮丸

出衛生
寶鑑

治老幼元氣虛弱飲食不消或

臟腑不調心下痞悶不快

橘皮

一兩去
陳皮

枳實

麩炒去
穰一兩

白朮

二兩

右為末荷葉裹燒飯丸梧桐子大每服五十丸溫水
下食遠服內傷用藥所謂人強胃氣益厚雖猛食多
食重食而不復致傷矣荷葉中央空虛象震卦體震
動也人之足少陽甲膽也甲膽風也生化萬物之根
帶手少陽三焦人之元氣也二經同法故飲食入胃
營氣上行便為少陽元氣生發也胃氣穀氣元氣甲
膽上升上氣一而異名即是胃氣上升荷葉色形味
乃空清象風木也食藥感此氣之化胃氣何由不升

引藥如此誠合乎道觀者味之

麴蘖枳朮丸

出衛生寶鑑

治為人所勉勸強食所致心腹

滿悶不快

神麴

炒一兩

麥蘖麴

炒一兩

枳實

麴炒去穢一兩

白朮

二兩

右為細末荷葉裹燒飯丸如梧桐子大每服五十丸

溫水食遠下

木香化滯湯

出衛生寶鑑

治一切酒麵結於中脘腹皮底

微痛心下痞滿不思飲食食之不散常常痞悶

柴胡四錢 木香三錢 橘皮三錢 甘草二兩 半夏一兩 當歸梢

二錢 紅花半錢 草豆蔻五分 枳實麩炒去穰一錢

右為散每服五錢水二大盞薑五片煎至一盞去滓
稍熱服食遠服忌酒濕麵

半夏枳朮丸出衛生寶鑑 治因飲食內傷心腹痞滿嘔噦

不止

半夏洗七次焙一兩 乾生薑一兩 枳實麩炒一兩 白朮二兩

右為細末荷葉裹燒飯丸如菉豆大每服五十丸溫

水下如以湯浸蒸餅為丸亦可如食傷寒熱不調每服加上二黃丸十九白湯下一方加澤瀉一兩為小便淋一方無乾薑

丁香爛飯丸

出衛生寶鑑

又治飲食所傷卒心胃痛甚効

丁香

錢一

丁香皮

錢三

甘草

錢三

甘松

三錢

去土秤

縮砂仁

錢三

益智仁

錢三

三棱

炮一錢

莪朮

炮一錢

香附子

半兩

木香

錢一

右為細末湯浸蒸餅丸如菉豆大每服三十丸白湯

送下細嚼亦可不拘時候

草豆蔻丸

出濟生拔萃方

秋冬傷寒涼物胃脘當心而痛上

肢兩脇咽膈不通

草豆蔻仁

麴裏煨去皮一兩

神麴

炒黃半兩

白朮

一兩

黃芩

去皮半兩

枳實

麴炒黃二兩

陳皮

二錢

麥蘖麴

炒黃半兩

半夏

洗七次日乾半兩

青皮

二錢

乾生薑

二錢

炒鹽

半錢

右為末湯浸蒸餅丸如菉豆大一倍每服五十丸白湯下量所傷多少加減服之如冬月別作一藥不用黃芩歲火不及又傷冷物加以溫劑是其治也有熱

物傷者從權以寒藥治之隨時處方不可不知

三黃枳朮丸

出濟生拔萃方

治傷肉食麵辛辣味厚之物填

塞悶亂不快

黃芩

二兩黃連

酒洗一兩

大黃

紙裹煨一兩

神麴

炒一兩

枳實

炒

半兩

白朮

一兩陳皮

一兩

右為末湯浸蒸餅丸如菉豆大一倍每服五十丸白

湯下量所傷加減服

除濕益氣丸

出濟生拔萃方

治傷酒麵心腹滿悶肢體沉重

枳實

麩炒黃一兩

白朮

一兩 蘿藦子

炒熟涼去穢氣半兩

神麴

炒黃一兩

黃芩

生用一兩

紅花

三分

右為末荷葉裹燒飯丸如梧桐子每服五十九白湯下量所傷多少加減服之

上二黃丸

出衛生寶鑑

治傷熱食痞悶兀兀欲吐煩亂不

安

黃芩

二兩

黃連

去鬚酒洗一兩

升麻

三錢

柴胡

三錢

甘草

二錢

枳實

半兩麩炒去穢

右為末湯浸蒸餅丸如菉豆大每服五七十九白湯
下量所傷服之一方無枳實

枳實導滯丸

出我効力

治傷濕酒熱物不得施化而作痞

悶煩亂不安

茯苓

去皮

黃芩

去腐

白朮

黃連

揀淨各三分

澤瀉

二分

枳實

麴炒

去穢炒麴

各五錢

大黃

一兩

右為末湯浸蒸餅丸如梧桐子大每服五十九至七
十丸溫水下食遠量所傷加減服更衣止後服

枳實梔子大黃湯

續易簡方

治大病產後傷食勞役

枳實

一箇麩炒去穰

梔子

三枚半肥者

豉

一兩二分半線裹

右清漿水二盞煎退八分却入枳實梔子煮取八分

下滯再煮五六沸去滓溫服覆令汗出者若有宿食

內大黃如薄棊子五六箇同煎食膏粱之物過多煩

悶亂者亦宜服

白朮湯 治傷豆粉濕麪油膩之物

白朮

一兩半夏乾一兩

洗七次日

陳皮

去白七錢

神麪

炒黃一兩

黃芩

半
兩白礬錢枯二

右為末湯浸蒸餅丸菰豆大一倍每服五十丸白湯下量傷加減素食多用乾薑故加黃芩以瀉之

木香見腕丸

一名巴豆
三稜丸

治傷生冷硬物心腹滿悶疼

痛

巴豆霜

半錢 荆三稜

一兩煨

神麴

炒一兩

石三稜

去皮煨一兩

木香

二錢 香附子

炒半兩

升麻

三錢

草豆蔻仁

麴裏煨半兩

柴

胡

錢二

右為末湯浸蒸餅丸菜豆大一倍每服一二十丸白湯下量傷加減服之 一方無草豆蔻仁

三稜消積丸 治傷生冷硬物不能消化腹滿悶不快

荆三稜

炮

莪朮

炮各七錢

青皮

陳皮

各五錢

丁皮

益

智仁

各三錢

炒麴

七錢

茴香

炒半兩

巴豆

和皮米炒黑焦去米五錢

右為末醋打麴糊丸如桐子大每服十丸至二十丸溫生薑湯下食前服量虛實加減服如通利止後服一方去麴加川楝子名消積滯焦香丸

神應丸 治一切冷水及鐘乳酥水腹痛腸鳴米穀不

化

巴豆 杏仁 乾薑 百草霜

各半兩

丁香

二錢 木香

二錢 黃蠟

一兩

右先將黃蠟用好醋煮去滓後巴豆杏仁同炒黑烟盡研如泥將黃蠟在上火春夏入油半兩秋冬入小油八錢鎔開入在杏仁巴豆泥內同攪旋下丁香木香等藥末研勻搓作錠子油紙裹旋丸用每服三五

十丸溫米飲下食前日三服如脈緩體重自利乃溫
氣勝也却以五苓散平胃散加炒麴相合而服之名

曰對金飲子

益胃散

一名溫脾湯出
濟生拔萃方

治服寒藥過多或脾胃虛弱

胃脘痛

白豆蔻仁

錢三

澤瀉

錢三

黃耆

錢七

乾薑

錢三

縮砂仁

甘

草各二

薑黃

錢三

陳皮

錢七

智仁

錢六

厚朴

錢二

人參

錢二

右為細末每服三錢水一盞煎至七分溫服食前一

方用溫酒服亦得如脈弦惡寒腹中乃中弱也以仲
景小建中湯黃耆錢氏異攻散加芍藥選而用之如
渴甚者加白朮散葛根倍之如胃脘當心而痛氣欲
絕者胃脘中虛之至極俗呼為心痛與草豆蔻丸二
三十丸若痛平依胃中元氣虛甚則將理二三日不
得食熱常食溫爛細嚼細嚥痛必不作一二日自知
矣若食熱調粥必幾死言畢不得食食後不得言欲
食時口鼻不得當風食罷亦然忌生冷硬物果木之

類及麩粉麴食須忌長遠免致後患一名益智調中

湯

除濕方

出濟生
拔萃方

治傷馬乳并牛羊酪一切冷物

半夏

洗七次
三錢

車前子

炒半兩

澤瀉

半兩

甘草

炙二錢

神麴

炒一兩

生薑

三錢

紅花

二錢

茯苓

七錢

右為細末每服三錢白湯調下食前

靈砂丹

出百一
選方

治飲所傷一切積滯或痢赤白瘥者

亦甘草湯下白薑湯下赤白薑甘草湯下酒食所傷

又暴瀉白湯下並食後臨臥時服之為妙感應丸

辰砂

研細砂二錢

巴豆

去皮壳完全者四十箇

黃蠟

半兩

右先將蠟於銀器內熬熔次投巴豆在內漂令黑漉出不用只將漂入前二味為錠子要時旋丸大人服菜豆大七丸小兒量歲數加減老人產婦皆可服最治酒食今人施痢藥者以黃丹代辰砂亦驗本事方治瀉痢用巴豆數不同其說病証甚詳

木香人參生薑枳朮丸

出濟生拔萃方

開胃進食破滯氣消

寒飲

木香

錢三

人參

錢三

乾生薑

錢二

枳實

炒一兩

白朮

一兩

半

橘皮

錢四

右為細末荷葉燒飯丸如桐子大每服三五十丸溫水送下食前一方加炒麴一兩名木香枳朮丸

交泰丸

出試効方

升陽氣瀉陰火調營氣進飲食助精神

寬腹中除怠惰嗜臥四肢不收沉困懶倦

厚朴

去皮剉妙

錢三

知母

四錢

一半炒

一半酒炒

此春夏所宜

秋冬去之

柴胡

去苗一錢半

人參

去芦一錢

肉桂

去皮一錢

黃連

去鬚六錢
秋冬減一

錢半

酒煮苦楝

三錢

白茯苓

三錢

皂角

水洗煨去皮
絃子六錢

紫苑

去苗

縮砂仁

三錢

川椒

炒去汗并閉
目去子一錢

乾薑

炮製川烏
三分

頭炮

去臍皮四錢

白朮

一錢半

吳茱萸

湯洗七次五錢

巴豆霜

五分

右除巴豆霜另入外同為極細末煉蜜為丸如桐子

大每服三五十丸溫水下虛實加減一方無紫苑

導氣除濕湯

出濟生
拔萃方

治飲勞倦而小便閉塞不通乃

血溢致不通而竅溢也

知母

三錢酒洗剉

黃蘗

四錢酒洗剉

滑石

二錢

澤瀉

三錢

茯苓

三錢

右為細末每服半兩水三盞煎至一盞去滓稍熱服

空心如急不拘時

大枳殼丸

出濟生拔萃方

治一切酒食所傷胸膈痞悶脇肋

腹滿心腹疼痛飲食不消痰逆嘔吐噫醋吞酸飲食

遲化並宜服之

枳殼

麤炒

茯苓

去皮

白朮

厚朴

湯洗

人參

木香

青

皮

陳皮

二味去穢

京三稜

煨熟

檳榔

廣茂

煨熟

神麴

炒黃

大黃

各二兩

麥蘖

微炒已上各乙兩

乾生薑

半兩牽牛炒淨微

右為細末生薑汁麵糊為丸如桐子大每服一百丸

生薑湯下食後

木香檳榔丸

出濟生拔萃方

治食傷太陰

木香

檳榔

青皮

陳皮

廣茂燒

黃連

枳

殼

麩炒已上各一兩

黃蘖

大黃

各三兩

香附子

炒牽牛

各四

兩婦人

加當歸

一兩

右為細末水丸如桐子大每服三十丸食後生薑湯

下

人參開胃湯

出直指方

助胃進食

人參 白朮 藿香 橘紅 縮砂仁 木香

丁香 麥蘖炒 神麴炒 甘草炙 茯苓 蓮子肉

厚朴製 半夏麴
各等分

右剉散每服三散薑四片煎服

枳朮丸

出衛生寶鑑

治老弱虛弱食不消臟腑而火仲景

本湯易老改丸及治氣下不降胸膈滿悶消食強胃

枳實

七錢半
麩炒黃

白朮一兩

右為細末荷葉燒飯為丸或薑浸蒸餅丸亦得如桐

子大每服二十九三十丸米飲送下食後服亦方白

湯下五十丸

祕傳降氣湯

出簡
易方

治飲食過度致傷脾胃酒色無節

耗腎水水土交攻陽陰關隔遂使氣不升降上熱下

虛上熱則頭目昏眩咽喉乾燥痰塞嘔逆胸膈不快

飲食無味下虛則臍冷痛大便閉塞裏急後重腰脚

無力若治以涼則脾氣怯弱腸鳴不利治溫熱上焦
壅熱口舌生瘡脚氣上攻久痢不瘥並宜先進此藥
然後却以所主藥治之其効速

桑白皮

二兩剉炒

枳殼

湯浸去穰炒

甘草

炒

陳皮

炒各一兩

五加

皮

酒浸半日炒黃黃花根皮是

骨碎補

火燎去毛炒剉

地骨皮

炒黃

桔梗

黃訶子

炮取肉炒

草薢仁

炒半夏黃

再碎

為末姜汁作餅再碎炒各半兩

右呔咀以碗盛飯甑上蒸一伏時傾攤令冷收之每

服三錢紫蘇三葉薑三片水一盞煎至七分一方無

半夏食後溫服痰嗽加半夏麴心肺虛加人參茯苓
上膈熱加黃芩下部虛加炮附子少許多用生薑煎
婦人血虛加當歸煎常服調順榮衛通利三焦開膈
化痰和五臟

檳榔 木香

人參

各二錢

橘皮

五錢

炙甘草

一錢

右為細末湯浸蒸餅為丸如梧桐子大溫水下三十
丸無時

強胃湯

出濟生
拔萃方

治因飯食勞倦所傷腹脇滿悶短氣

遇春口淡無味遇夏雖熱而惡寒常如飽不喜食冷物

黃耆

兩半夏

錢三

草豆蔻

錢二

黃蘗

半

麴

半

錢一

陳皮

錢一

生薑

半錢

升麻

錢一

柴胡

錢一

甘草

半

當歸

身一

錢一

右咬咀每服三錢水二大盞煎至一盞去滓溫服食

前

桂香丸

治大人小兒過食雜瓜果腹脹氣急

肉桂

兩麝香

錢一

右為末飯為丸如菉豆大大人十五丸小兒七丸不以時飯湯下

三稜丸 治同前

三稜 莪朮 青皮 陳皮

右等分為末麪糊和丸如梧桐子大每服三十九薑湯下不拘時

小橘皮煎丸

出醫方集成

消食化氣常宜服之

三稜 莪朮

並煨

青皮

去白

陳皮

去白

神麪

炒

麥蘖

炒

各等分

右為末陳米粉煮糊為丸如梧桐子大每服五十丸
米飲下

治飽食便臥得穀勞病四肢煩重默默如臥食畢輒甚

方

出肘
後方

右用大麥一升椒一兩並熬乾薑三兩搗末服方寸
匕日三四服

寬中理氣丸

出德
生堂

治脾胃不和寬中理氣可宜常服

枳實 檳榔

青木香

丁皮

神麴

蒼朮

香附子

葛根

各一斤

加葦澄茄

半斤

右為細末水糊為丸每服三十丸加至五十丸酒水

生薑湯任下不拘時

三香神朮丸

出德生堂

能溫中快膈化積順氣中酒吐酒

逆嘔酸氣壅食噎飲食遲化胸膈痞悶腰脇刺痛胃

脘停痰飲食無味婦人血氣臍腹疼凡此人吃飯後

大宜服之

香附子

蒼朮

厚朴

藿香

耳

良薑

枳

實 枳殼 青皮 陳皮 廣茂 三稜 檳榔

神麴 半夏麴 益智仁 瓜三稜 石三稜

麴蘖 雷丸 乾葛 黃連 木香

各一兩

右為細末蘿蔔和水打麴糊丸如梧桐子大每服五十丸酒水任意下

百鍾丸

出德生堂

治酒食吐酒嘔逆惡心吐酸水壅盛痰

塞氣不暢快但酒所傷者宜服之百鍾可以再進

乾葛 黃連 枳實

各四兩

青皮 陳皮 神麴

麥蘖雷丸

三稜

莪朮

益智仁

檳榔

各二

兩牽牛末

木香

各二兩

杏仁

煮去皮尖半斤

蘿蔔子

半斤杏仁

另加葛花二兩

右為細末酒糊為丸如桐子大每服五七十九酒水

任意下

藿香利膈丸

出德生堂

寬腸快膈和胃利痰進食化宿酒

表解寒暑功極效

當歸鵬茶散

治榮衛氣虛風邪冷氣進襲臟腑之內

或食生冷或啖炙煇或飲食過度積熱腸間致使腸
胃虛弱糟粕不聚大便不利解血臍腹痛裏急後
重久患酒毒便血諸疾一切大便下血證並皆治之

細芽茶

半斤

川百藥煎

五箇燒存性

右為細末每服二錢用米飲湯調下或烏梅湯亦可
麥蘖散 療飽食訖便臥得便令人煩重默默欲臥

大麥蘖

一升炒

乾薑

二兩

右為末方寸匕日三良

丁香湯

出十便良方

消酒下痰通中健胃

丁香

半兩

胡椒

一錢

縮砂仁

四兩

乾薑

一兩

甘草

二兩

鹽

二兩

右同為細末每服一錢不拘時沸湯點下

治飲食過多飽

出本草

以蘆根生嚼之佳

和中丸

出試効方

補胃進食

乾薑

二錢

乾木瓜

三錢

炙甘草

二錢

陳皮

四錢

人參

二錢

白朮

三錢益智仁

二錢

右件為末用湯炊餅為丸如梧子大每服三五十丸

溫水食前下

木香檳榔丸

出試
效方

消食破滯氣

木香

檳榔

各三錢

青皮

五錢

陳皮

麥蘖麴

枳實

各七錢

白朮

厚朴

五錢

右件為末湯浸蒸餅為丸如梧桐子大每服五七十

丸溫水食後下

扶胃丸

出蘭室
秘藏方

開胃進食

白朮

錢二

茯苓

錢一

橘皮

錢二

炒麴

錢四

大麥蘖

炒

錢四

炙甘草

草

肉桂

錢半

多但因酒食所傷脾胃不和常服之

厚朴

兩九

枳實

兩三

當歸

兩一

人參

兩一

藿香

兩一

檳榔

兩一

半兩

木香

甘草

各兩半

陳皮

兩二

右為極細末水糊為丸如桐子大每服五十丸酒水

送下

治食魚膾及生肉住胸膈中不消化吐之又不出不可

留多使成癥方

出肘
後方

右用朴硝如半雞子一枚大黃一兩凡二物咬咀以酒二升煮取一升去滓盡服之立消若朴硝芒硝代之皆可用

至靈散

出肘
後方

療食飽煩悶但欲臥而腹痛

用麴熬令香黃為末服方寸匕大麥蘖亦佳

木香調中丸

出德
生堂

治因飲食不調致傷脾胃心腹脹

滿臟腑泄瀉米穀不消腹中雷鳴不思飲食或不痢

膿血或大便赤水

木香

陳皮

去白

青皮

去白

肉豆蔻

煨

麝

檳榔

三稜

焙

訶子

草豆蔻

各一兩

右為末麪糊丸如梧桐子大每服六十九丸食前米飲下

清暑益氣湯

治長夏濕熱胃因長夏五六月濕熱蒸

炊人多困倦胸滿短氣支節疼痛氣高而喘煩熱大便或泄而黃或如白泔或渴或不渴膨悶不欲食或

氣短不能言小便多而黃宜以除濕散熱之劑主之

黃耆

一錢半汗少減半錢

人參

半錢

甘草

炙三分

白朮

半錢

蒼朮

米泔

浸去皮一錢

陳皮

半錢

黃柏

酒浸去皮少減半錢

神麴

炒黃半錢

升麻

一錢

葛根

三分

澤瀉

半錢

陳皮

九錢

麥門

去心三分

青皮

去白一分

右咬咀作一服水二大盞煎至一盞去滓溫服食遠

服此病因飲食失節勞倦所傷損而脾胃得也

藿香

一錢半夏二錢

紅豆

一錢

乾生薑

半錢

訶子皮

二錢

烏梅

肉

二錢

乾薑

一錢

右為極細末荷葉裹燒飯為丸如桐子大每服三五

十丸溫水送下

黃耆湯

出蘭室祕藏方

補胃除濕和中滋養元氣

黃耆

一兩當歸

二錢

人參

半兩

澤瀉

半兩

藿香葉

一錢

橘皮

木香

一錢氣暢去之

右咬咀每服三五錢水二大盞煎一半欲汗加生薑

煎食遠熱服之

又方

出蘭室祕藏方

上攻頭痛攻身胸背發熱用黃耆當歸

湯

當歸身

一錢半
酒洗 黃耆

兩

右咬咀水二大盞煎法如常

黑地黃丸

出濟生
拔萃方

治男子婦人面色無血食少嗜臥

肢體困倦

蒼朮

一斤 熟乾地黃

半斤 乾薑

炮夏月五錢冬月
一兩春秋七錢

右為末水煎麴糊丸如桐子大每服五十丸溫水下

食遠

溫中益氣

治驗出衛
生寶鑑

中書左丞相史公年六十有七至元丁卯九月間因
內傷自利數行覺肢體沉嗜臥懶語不思飲食舌不
知味腹中痛頭亦痛惡心醫以通聖散大作劑料飲
之覆以厚朴夜遂大汗出前證未除反劇凡易數醫
四月餘不愈余以應召至燕命治之候其脈得沉細
而微弦不欲食則嘔逆中氣不調滯於升降口舌乾
燥頭目昏眩肢體困倦足胗冷臥不欲起丞相素不

飲酒肢體本瘦又因內傷自利復發汗是重竭津液
本愈虛不能滋榮周身百脈故使然也非甘辛大溫
之劑則不能溫養其氣經云脾欲緩急食甘以緩之
又脾不足者以甘補之以黃耆人參之甘補脾緩中
故以為君形不足者溫之以氣以當歸辛溫和血潤
燥木香辛溫升降滯氣生薑益智仁草豆蔻仁辛甘
大熱以蕩中寒理其正氣白朮炙甘草橘皮甘苦溫
乃厚腸胃麥蘖麴寬腸胃和中神麴辛熱導氣消食

故以為佐右件呖咀一兩水煎成服之嘔吐止飲食
進逾三日前證悉去左右前證雖去九日不大便何
以治之曰丞相年高氣弱既利且汗脾胃不足陽氣
虧損津液不潤也豈敢以寒涼有毒之劑下之仲景
云大發汗後絞小便數大便堅不可用承氣湯可用
蜜煎導之須臾去燥屎二十餘塊遂覺腹中空快上
下氣調又以前藥服之喜飲食但傷則以前橘皮枳
朮丸消導之餘月方得平復丞相曰病既去矣當服

和藥預防其復來余謂不然慎言語節飲食不可服藥用藥如用刑民有罪則刑之身有疾則藥之無罪妄刑是謂虐民無疾妄藥是反傷正氣軍志有之允當則歸服而舍之可也丞相悅而然之

參朮調中湯

出衛生寶鑑

治內傷自利臍腹痛肢體困倦

不喜飲食則嘔嗜臥懶語言足脡冷頭目昏悶

黃耆

五錢

當歸身

厚朴

木香

益智仁

草豆蔻仁

白朮

炙甘草

橘皮

麥蘗麴

炒麴

已上各三錢

右件剉如麻豆大每服一兩水二盞半生薑三片煎至一盞去滓食前溫服

腸滿四肢倦行立難食以嘔多胃傷減飲食或渴者是

也宜用後方

出華陀中藏經方

大黃

一兩濕紙十重包裹令香熟切片子

檳榔

一枚

木香

一分

右為末生蜜丸桐子大薑湯下食後三十丸日二服未減加之效即勿再服附方

桂

半兩
不焙

檳榔

一箇

黑牽牛

四兩生取末
二兩餘不用

右為末蜜酒調二錢以利為度

須問湯

出楊氏
家藏方

治中酒痰逆

白豆蔻仁

縮砂仁

各四兩

丁香

二兩

甘草

炙三兩

白鹽

炒
三兩

右除丁香外同炒熟以一磁合子入藥一半鋪紙下

丁香又以一半蓋頭罨一宿取出為細末每服一錢

沸湯點服

冲和湯

出楊氏家藏方

醒酒快膈消痰助胃

生薑

四錢切焙

草果子

去皮七錢半

甘草

七錢半炙

半夏麴

二錢半炙

白鹽

一兩炒

右件為細末入鹽和勻每服二錢沸湯點服

青金湯

出楊氏家藏方

治酒食所傷及嘔逆惡心頭目昏運

神志不爽

縮砂仁

一兩薄荷葉

去土二兩

白蔻仁

一兩

甘草

一錢

微炒

右件為細末每服一錢沸湯點服

生胃丸

朱集
驗方

治酒食所傷胸膈不快不思飲食

良薑

白薑

各四兩
并油炒

丁香

胡椒

右為細末麪糊丸如梧桐子大每服百十九米飲陳

皮湯下

妙應丸

出楊氏
家藏方

治脾胃虛冷飲食不化心腹刺痛噫

氣吞酸兩脇膨脹胸膈痞悶四肢倦怠不美飲食

草撥

木香

破故紙

炒三味
各一兩

附子

二枚重七錢
者每一枚剉

去心入礪砂末一錢附子末塞口
外以麪裹煨令麪焦黃取不用

右件同為細末麪糊為丸如菉豆大每服五丸至七

丸木香湯下不拘時候

快膈丸

出十便良方

治飲酒過多胸膈不快嘔吐涎沫

生薑

二斤切片米泔浸三日曬冷半乾

丁香

二兩剉

鹽半斤甘草

六兩如大

豆切

右以淨鉚一枚先入鹽炒熟次下薑候薑稍乾脆次下草炒色赤次下丁香皮同炒不得焦紫色為度乘熱入新甕瓶密封不得透氣三日後開每次沸湯點

一錢一名紫薑湯是漫火炒氣味為妙

解醒湯

出十便良方

治飲酒過度脾胃不健不思飲食

胡椒 桂心

丁香

各一分

檀香

二銖


藿香

半兩見火

甘草

三兩 白鹽 半兩

右為末每取一錢沸湯點服不拘時



普濟方卷二十四